

զանգում իրանց զբաղի թուրքերից, որ ամբողջ տարի մի կամ չատ չատ երկու անգամ են լինում Աստուծու տանը և ընտել ոչ մի հասկացողութիւն չունեն իրանց լիբանի վերաբերութեամբ։ Ազգային յատկութիւնների բացակայութիւնը կիրվարցներում համեմատաբար առաւել են նշմարվում, քան թէ խաչմաղցներում, որովհետեւ երկուսը գիւղի բնակիչները, բնակվելով գաւառի լեռնային մասում և հեռու լինելով քաղաքից, սակայն են ունենում միջոցներ յարաբերութիւն ունենալ քաղաքացիներին հետո Շատերը սրանցից ստիպում են իրանց գլուխները և չեն կատարում եկեղեցական ծէսերը. անձամբ ինձ յայտնի է, որ երկու կիրվարցները պահում են երկու երկու կին։ Ինչ անեն կիրվարցները, որ նրանք օրինակ են վեր առնում իրանց գիւղի լիբանի քահանայից։ Այս վերջինը ոչ ժամատացութիւն է անում, ոչ պատ է պահում, ոչ հայերէն է խօսում (կիրվարցները թաթարներէն են խօսում, այս լեզուն աղճատեալ պարսկերէնէն նըման է) և յայտնապէս երկու կին է պահում։ Ուրեմն ինչ պահանջել խեղճ ողորմելի գիւղականից, եթէ Աստուծու տան ներկայացուցիչը և քրիստոնէութեան բարոյականութեան քարոզողը այսպիսի տղետ և անբարոյական մարդ է։

Թէպէտ այս գիւղերում կան դպրոցներ, բայց շատ փոքր և ողորմելի դրութեան մէջ են գրտանում, հոգաբարձուների անտարբերութեան և անազնութեան շնորհիւ։ Կիրվարի դպրոցը բնականաբար է բազուրի Մարգարիտական բնակչութիւնից 350 բնակչի և 50 բնակչի աւելի ուղարկում են դանազան քաղաքներէն։ այս 400 բնակչական եկամուտից դպրոցի համար ծախսվում է գոյեւ ոչ աւելի քան 200 ր., 180 ր. վարձապետին և 20 ր. մանր ծախս։ Իսկ մընացեալ 200 ր. ուր է գնում, ոչ ոք ոչինչ չէ իմանում, բայց պ. հոգաբարձուից խաչմաղ իւրից դպրոցը բազուրի Մարգ. ընկ. ստանում է 100 բնակչի. բայց այս ընկ. օժանդակութիւնից ունի ևս 75 բնակչի իր հազար բնակչի մայր գուժարի տոկոսը, որը ընծայել է չաչեցի պ. Ալեք. տանովը։ Խաչմաղի դպրոցի վարձապետը մի ծոյլ քահանայ է։ Այս դպրոցը 9 ամիս փակ էր։ Յիմայ դպրոցը բայց է ու վարձապետութիւն մի և նոյն ծոյլ քահանայ է անում։ Ինչ և իցէ, այս դպրոցը առաւել ևս լաւ և ծաղկեալ դրութեան մէջ էր լինէր, եթէ միայն պ. Պետրոս Բէկ Վաղարշապատ, գիւղի իշխանը ցանկանար այդ ինչպէս տեսնում է ընթերցողը այս դպրոցները թէպէտ ապահոված են նիւթական կողմից, իսկ կրթութեան վերաբերութեամբ շատ թոյլ են։ Ահա քանի տարի է որ այս գիւղերում կան դպրոցներ, բայց մինչև այժմ այս գիւղերի ոչ միում գուք չէք գտնի մի երեխայ, որ գիտենար հայերէն խօսել։ Եւ զարմանալու ոչինչ չը կայ։ Բացի նրանից, որ այս դպրոցները գտանվում են այսպիսի ողորմելի դրութեան մէջ, նրանք ոչ մի ժամանակ չեն կարող բերել կանան օգուտ։ Երբեք բարեգործողների աշխատութիւնը չի բերի լաւ պտուղ, միշտեւ օրիորդների կըրթութիւնը բարձի թողի կանայի հոգաբարձուներից։ Նոր սերունդի պատրաստութիւնը այնպիսի գիւղերում, ուր չեն խօսում մայրենի լեզուով, բնականապէս պէտք է գնաց դուրսնեալէս երկու սեռերի վերաբերութեամբ, ուսուցանելով ինչպէս աղաներին, նոյնպէս էլ օրիորդներին։ Հակառակ դիպուածքում, մանուկը, որը զբաղւում շատ լաւ էր խօսում ու կարգում հայերէն, դպրոցից դուրս գալուց յետոյ, իսկայն մոռանում է, այն ինչ որ սովորել էր այնտեղ. պատճառը մայրը, քոյրը նրա հետ թաթարներէն կամ թուրքերէն են խօսում։ Ուրեմն անկեր են, որ առանց օրիորդների կրթութեան, առանց մայրերի պատրաստելը այս առաջին և ամենագլխաւոր մանկավարժների ազգայն դպրոցը չէ կարող պատրաստել մի հիմք լուսաւորութիւնը ժողովրդի մէջ հաստատուն մեծանելու համար։

ՆԱՄԱԿ ԽՄԲԱՆԻՆ

Թիֆլիս, 29 մայիսի

Հայոց խնդրոյն լուծման մասնաւորապէս նըպաստելու յատկացած և Եւրոպայ հրատարակելի մի լրագրոյ հաստատուին, անտարակոյս, շատ օգտաւէտ հետեանք կը խոստանայ։

Ձեր այսօրվան համարին մէջ այդ մասին հրատարակած աղբերն՝ ըստ ինձ, ոչ մի հայ չէ կարող առանց համակրութեան կարգալ։

Այսպիսի ազնիւ մտքեր յղացող անձինք, անշուշտ, իրենց վարձատրութիւնը բուն լաւ գործին յաջողութենէն կը սպասեն, բայց և այնպէս իրրի հայ, չեմ կարող չը յայտնել ձեզ իմ խորին նորհակալութիւնս և խնդրել որ բարեհաճէք նկատել զիս, այժմէն բաժանորդ, եթէ երբեմն ձեր ազգոգուտ առաջարկութիւնը իրականութիւնը գտնայ։

Ձ. Տէմիրեան

ՆԵՐՔԻՆ ԼՈՒՐԵՐ

Հաստատ աղբիւրներից լուծւում ենք, որ Վեհափառ Կաթողիկոսը բարեհաճել է հաւանութիւն տալ Թիֆլիսի ընդհանուր ուսուցչական ժողովի կայանալուն, պարտաւորեցնելով քաղաքային իւրաքանչիւր եկեղեցուն վերայիցեալ ժողովի անհրաժեշտ ծախսերի համար վճարել 20 բուրբլ, իսկ գիւղական ամեն մի եկեղեցուն 5 բուրբլ։

Մի երիտասարդ խնդրում է մեզ յայտնել, որ պատրաստում է երեխաներին դիւրութեամբ զբաղւոյնքի և բնական գիմնադրալի բոլոր դաստաւները մանկու։ Հասցէն թողնել «Մշակի» խմբագրատան մէջ։

Շնորհակալութեամբ տաքանք Շուշու մէջ տպւած, պ. Տ. Նազարեանցից թարգմանած և հրատարակված գրքոյը «Պոզնանի ուսուցչի օրագրից» հեղինակութիւն Վիտովսկի Այդ պատճառով մենք առաջ կարդացնենք «Вѣстникъ Европы» ամսագրի մէջ և խորհուրդ ենք տալիս մեր ընթերցողներին կարգալ այդ վերին աստիճանի հետաքրքիր և օգտաւէտ գրքոյը, որ այժմ հայերէն թարգմանութեամբ ընծայում է հայոց հասարակութեան պ. Տ. Նազարեանցի թարգմանիչը իրաւունք ունի նուիրել իր աշխատանքը հայ ծնողներին և դատարարներին։ Թող կարգան և հասկանան թէ ինչպէս դպրոցը կարող է մեղցնել երեխային։ Պարզիկի գինը 20 կոպէկ է։

«Кавказскій Курьеръ» լրագրում կարգում ենք հետեւելու «Հաղորդում ենք, ոչպէս հաստատ լուր, որ հայոց կաթողիկոս Վեհափառ IV շատ վստահաւոր և անշուշտ կերպով հիւանդ է։ Խորհուրդ ենք տալիս Թիֆլիսի հայոց հասարակութեան ներկայացուցիչներին հաւատարմաւ այդ արիւրալի բուրբ ճշգրտութեան մասին, որպէս զի վաղորօք ուղարկվի Էջմիածին մի պատգամաւորութիւն ազգային սեփականութիւնը ամեն պատահարներից ապահովելու համար։ Հայոց կաթողիկոսանիստ վանքի մէջ հաշակաւոր Մանկուտե ներկայութիւնը այդ նպատակի համար բաւական չէ։ Ուստ յարգելի լրագրի հաղորդած լուրին մենք էլ աւելացնում ենք մեր կողմից Թիֆլիսի հասարակութեանը ուղղված մի հրաւեր, ինչպէս Մատթէոս կաթողիկոսի ժամանակ է եղել, շուտով ուղարկել մի պատգամաւորութիւն Էջմիածին ազգային գանձը որ և է վտանգից ապահովելու համար։

Մայիսի 29-ին թիւրքաց Հայաստանից վերագրած պ. Թոմասյանը կարգաց Արծրունու թատրոնում իր դասախոսութիւնը «Թիւրքաց Հայաստանի մասին»։ Վուցէ կասեն որ Թոմասյանի դասախոսութիւնը շատ մեծ սխառեմ չունէր, բայց անտարակոյս նա շատ հարուստ էր նոր և հետաքրքիր տեղեկութիւններով թիւրքաց Հայաստանի մասին։ Եւ այդ պատճառով շատ ցաւալի է որ ժողովուրդը քիչ էր հաւաքվել նրան լսելու համար։ Մեր խնդիրը ինչպիսի, որին աւելորդ չէր լինի քիչ թէ շատ ուսումնասիրել այն երկրը, որին նա բարոյապէս օգնել է ուղում, — բացակայ էր։ Լսողների մեծ մասը հասարակութեան միջին և մասամբ ստորին դասին էին պատկանում։ Պ. Թոմասյանը բաժանեց իր հրապարակախօսութիւնը երկու մասի վրա, որոնցից առաջին փաստական էր, իսկ երկրորդը բաղկանում էր ընդհանուր դատողութիւններից։ Ճիշտ թեւաւորները վրա հիմնվելով, պարտքը ցոյց տուց մեզ որ Վանի նահանգում հայերը մեծամասնութիւն են կազմում, որ այդ տարրի ձեռքում է երկրի առուուրը, և արուեստները և առհասարակ տնտեսական կեանքը։ Վաստիսը ցոյց տուց մեզ նմուշների մի հարուստ ժողովածու Հայաստանի գործաւածներին։ Թոմասյանը այն միտքը յայտնեց որ Հա-

յոց ազգութեան նեցուկը ոչ կրօնն է, ոչ էլ հայոց խնտելիքներն, այլ հայ գիւղական դասակարգն է, որ չը նայելով բոլոր տառապանքներին, կապված է մնացել հայոց հողին, հաւատարիմ է մնացել հայրենիքին, այն ինչ ամբողջ արիւտակարգի գաղթել է Հայաստանից և յետոյ անհետացել, ջնջվել է։ Վաստիսը այն համոզմունքի է որ շատ հեշտ կը լինէր կապ հաստատել հայերի, քիւրդերի և ասորիների մէջ։

Կենդանիների հովանաւորութեան Թիֆլիսի բնակչութեան տարեկան ժողովը. որ նշանակված էր մայիսի 31-ին, նախագահի և փոխ-նախագահի Թիֆլիսից հեռանալու պատճառով յետաձգվում է մինչև 7 յունիսի, 12¹/₂, իսկ վարչութեան ժողովը լինելու է յունիսի 5-ին, 7 ժամին երեկոյեան։

ԵՐԵՎԱՆԻՑ մեզ գրում են։ «Ձը նայելով որ եղանակը չափազանց հով է անցնում, այնուամենայնիւ երեւանցիները պատրաստվում են Գարաշիյազ գնալու։ Այն օրից երբ սովորութիւն է դարձած Երեւանի դատաստանները և վարչութեան հիմնարկութիւնները փոխադրել ամարանոց, մինչև այսօր, պաշտօնական տեղեկութեանց նայելով, մոտաւորապէս 200,000 բուրբլ փող է ծախսվել Գարաշիյազի վրա։ Եթէ այդ դուռը ծախսվէր նոյն իսկ Երեւանի այլ և այլ բարեկարգութեանց վրա, այժմ Երեւանը մի եւրօպական քաղաքի կը նմանէր։ Բայց ով է մըտածում այդ հաշիւների վրա։»

Երեւանից մեզ գրում են։ «Մեր նահանգապետ պ. Շալիկով գնաց Թիֆլիս։ Ոմանք ասում են որ Երեւանի նահանգի կարուածական խնդրի վրձնելուն մասնակցելու համար է գնացել, իսկ ոմանք պնդում են, որ այլ ևս չի վերադառնայ Երեւան։»

Մեզ հաղորդում են Երեւանից որ մայիսի 24-ին Վախանեան դպրոցի դահլիճում վիճակախաղ էր յօդուտ դպրոցի։ Մեծ բազմութիւն կար։ Որքան արդիւնք գոյացաւ վիճակախաղից, — թըրթակից չը գիտէ։ Նոյն օրը երեկոյեան թատրոնական ներկայացումն կար նոյն դահլիճում։ Խաղում էին «Թուղթ խաղաղողի կեանքը»։ Թատրոնը դատարկ էր, և երեանցիք այդ ժամանակ իրանց տներում և կլուբում նստած թուղթ էին խաղում։ Պ. Ա. Մեւանց կարգաց մի բանաստեղծութիւն։

ՂՈՒՐԱՑԻՑ մեզ գրում են, որ մայիսի 12-ին այդ քաղաքի կլուբի դահլիճում թատրոնական ներկայացումն տուց պ. Օսիպովի ուսու թատրոնական խումբը։ Խաղացին 1) Картины съ натуры, сцены изъ военной жизни, 2) Вспышка у домашнего очага, 3) Хочу быть актеромъ. Ներկայացումը լաւ անցաւ, բայց ժողովուրդը սակաւ էր։ Մայիսի 13-ին խումբը ճանապարհորդեց գէպի Ղուսար։

Ղուրաշից մեզ գրում են։ «Մեր գաւառի անտառապետը և նրա օգնականը բարեխղճաբար են վարում իրանց պաշտօնները, բայց օրից օր չի կենում հարստանալու են ժողովուրդը։ Պ. անտառապետի ուղարկութիւնն ենք դարձնում իր ոչ ծառաւորների անիրաւութիւնների վրա։»

ԱՐՏԱՔԻՆ ՏԵՍՈՒԹԻՆ

ՄԻԱՑԵԱԼ ԸՆԿԵՐՈՒԹԻՒՆԻ ՀԱՅՈՑ

Ահաւասիկ ընկերութեան Ընդհանուր ժողովոյ նախագահ Տ. Ա. Ալթուն Տիւրիի ծառին պատճէնը։

Ներեցէք, Տեառք, որ ինձ համար խիստ քաղցր պարտաւորութիւն մը կուտարեմ, ներկայելով Ձեզ իմ շնորհապարտ զգացումներս այն բարձր փառհոգութեան համար, որով հաճեցաք պատուել զիս ի վեր քան զարժանիս, յանձնելով ինձ Կենդանական ժողովոյ նախագահութեան պաշտօնը։

Տեա՛րք, այդպիսի մի փափուկ պաշտօնի նկատմամբ իմ անձնանահասութեան գիտակցութեամբս հանդերձ զայն ստանձնել,

մանաւաղ ներկայ պարտաւորից մէջ և իմ անձնական բազմադիմի գբաղմանցս միջոցին, արդարեւ յանդիմութիւն մ'էր, սակայն հնար էր վարանիլ ձեր միահամուտ քուէից և այնքան համակրանօք յայտնուած ձեր բարձր կամաց առջեւ։ Վստահ եմ Տեառք, որ ձեր ներողամտութեան ոգին և թանկագին աջակցութիւնը մեծապէս պիտի գիւրացնեն ինձ, պաշտօնիս բնութեան իմ վերայ դրած պարտաւորութիւնքը խղճի մտօք կատարել։

Այոյն առթիւ Տեառք, ներեցէ՛ք նաեւ որ երկու խօսք ալ բնկերութեան վիճակին և ընթացից վրայ ընեմ։

Ամենամեծ խորհուրդները մեծ արժէք չունին, եթէ գաղափարաց սահմանէն ելնելով չեն իրականանար։

Այդ մեծ խորհուրդներէն մին էր անշուշտ ազգին մէջ կրթութիւն ծաւակուլ խորհուրդը, որ շատ ազգասէր զուխներ գրադեցուցած և հոգեկեցուցած էր ի բազմաց հետէ, առանց մեծ արդիւնք մը աւտադրելու։ Հայ ժողովուրդը մը կար որ կը գգար թէ կրթութեան պէտք ունի, բայց կրթուելու միջոց չունէր, Հայեր կային որ պատրաստ էին օգնութեան ձեռն կարկառել, բայց չը կար մարմին մը որ միջնորդ կանգնէր ժողովրդեան և իւր բարեկամաց մէջ։ Այդ մեծ խորհուրդին, այդ բարձր միջնորդութեան պատշաճաւոր մարմին տալու փառքը հայ երիտասարդութեան վերապահաւ էր։ Երեք չորս տարի առաջ եռանգուն երիտասարդաց մի քանի խմբեր ան-

յոյն ժողովուրդ հաստատամտութեամբ և անգուլ ջանիւք այդ մեծ խորհուրդն երեք տարբեր մարմիններու միջոցաւ ներկայիցին աշխարհի, անոնց իւրաքանչիւրը ժամանակ մի առանձին ապրեցաւ, գործեց և իւր արդեամբքը փայլեցաւ, սակայն յետոյ զգալով թէ միութեամբ աւելի գորանալով կարող պիտի լինէին իրենց նուիրական նպատակն արժանաւորն արդիւնաւորելու, այդ երեք մարմիններն յօժարակամ ի մի ձուլուեցան և ծագում տուին ներկայ Միացեալ Ընկերութեան, որոյ համար չափազանցութիւն չեմ համարիր ըսել թէ ամեն Հայ սրտերու սիրոյ առարկայն է և ամբողջ հայութեան պարծանքը։ Այս գործը ձերն է, Տեա՛րք, և ընդհանուր համակրութեամբ ողջունեցաւ ոչ միայն հայ հասարակութիւնն, այլ և օտարներէ թէ իւր այսօրուան վիճակը քանի՜ երկանց և ո՞րպիսի անձնութիւններ ենք և զոհողութեանց արդիւնք է յայտնի է։ Այսօր երեք հազարէն աւելի հայ մանկուք իւր հաստատած 27 դպրոցներու մէջ կրթութիւն կը ստանան։ սուղ միջոցի մէջ այսպիսի հսկայ արդիւնք մը, Տեա՛րք, արդարեւ մեր հիացման արժանի է. և թէպէտ միւս կողմանէ Ընկերութեան ունեցած նիւթական միջոցներուն հետ բաղաւտելով իւր բազմաժառայ ձեռնարկութիւնները յանդիմութեան գործ մը համարել կարելի է, սակայն հարկ է խոստովանիլ թէ այդ յանդիմութիւնն ալ իւր փեմ կողմն ունի։

Գործի մը լաւ սկզբնաւորութիւնը՝ նորա յաջողութեան պայմաններն մին է, բայց միակ պայմանը չէ. եթէ գէշ սկսուած գործ մը յարաւեւութիւն չունենայ, ոչ ոք մեծ ցաւ կը զգայ, բայց երբ լաւ սկսուած գործ մը ջանից և գաղափարաց միութեան պահասութիւնէն կը խանդարի և կը մեռնի, այնչափ աւելի ցաւ կը պատճառէ ամեն ազգասէր սրտերու, որչափ որ մեծ էին աւոր ծննդեան առթած բերկրութիւնն ու քաղցր յոյսերը։

Տեա՛րք Երեւոփոխանք, մեր ամենուս վրայ

պարտք մը կայ—այն է փառ պահել միշտ մեր սրտերուն մէջ այն հուրը, որ ծնունդ տուած է ընկերութեանս, և ամբարկել զազափարաց այն միութիւնն՝ որ զլիսաւոր պայմանն է այս մեծ և բեղմնաւոր գործին յարաւեութեանս: Մանաւանդ այսօր, ճեարք, առաւել քան երբեք պէտք ունիմք միութեան և համաձայն գործակցութեանս: արդէն ձեր Գործադիր Մարմնոյն Պետք պիտի բացատրէ ձեզ թէ ընկերութեանս նիւթական վիճակն անբաւական է զժրագրաբար իւր բազմաթիւ հաստատութեանց պահանջած միջոցներն ապահովելու և ապագային համար ալ փառնգ իսկ կը սպառնայ ընկերութեանս գոյութեանը, եթէ այժմէն փութով դարման չը տարուի: Այս պիտի ծանր կացութեան մ'առջեւ, ճեարք, նոր կորովի, նոր գործութեան պէտք ունիմք, առանց երբեք վհատելու, միասիրտ, միահոգի աշխատելու եմք ընկերութեանս նիւթական վիճակը զարգացնելու և զայն գոնէ իւր պիտոյից համապատասխան դիրքի մէջ բարձրացնելու: Արդարեւ, ճեարք, երկրին հանգամանքներն ինչպէս և ներկայ պարագայներն յոյժ աննպաստ են այս միջոցին, սակայն մեր առջեւ մեր հաստատութիւն կարեւորագոյն մի աղբիւր կայ, որ զրեթէ կոյս մնացած է. խօսքս բաժանորդագրութեան համար է, և երբ կ'իմանա՞ք թէ ստորագրեալ բաժիններու թիւն հազիւ 4,000 է, զիւրին է ըմբռնել թէ ո՞րքան բարձի թողի մնացած է հասոյթի այդ մեծ և փրկարար աղբիւրը, ուստի և ժամ է որ ազոր հարկ եղած ոյժն ու մղումը տալով, ընկերութեանս ապագան ապահովենք. աւսոր համար մէն մի ընկեր իւր կարողութեան չափովը պէտք է աշխատի այս բաժանորդագրութեան գործն ընդհանրացնելու, և այս բանին համար ոչ միայն ընկերաց զիմելու ենք, այլ և ամեն կարող ազգային անհատի, զի ընկերութեանս իղձերն հայոց ազգին իղձերն են, տիեզերական են և նոյն իսկ դարուս ողբոյն պահանջում են, սիրելի է ինձ յուսալ թէ ձեր անխնայ ջանքից մէջ լիովին պիտի յաջողիք: Այո՛, ճեարք, հարկ չունիմ արդէն ազգասիրտիան ողով փառեալ ձեր սրտերուն յորդոր և քաջաւիր կարողաւ, գուր ինքնին համոզուած էք անշուշտ որ ձեր այս նուիրական առաքելութեան մէջ սակաւ ուրեք անտարբեր սրտերու պիտի հանդիպիք. ամեն հայ, որ տակաւին անմասն և անհաղորդ մնացած է ձեր ազգոգուտ ձեռնարկէն, իւր բաժինը պիտի փութայ սիրով նուիրել ձեզ, երբ զիմէք իրեն, այս մասին իմ համոզումն այնչափ յոռաջ կ'երթայ, որ մինչև իսկ հաւատ ունիմ թէ, ինչպէս մահճին մէջ տառապեալ ձերունին, այնպէս ալ որբանին մէջ խայտաղղ մանկիկը իւր բաժինը չը պիտի զլանան ձեզ, և անդին երբ մեծատունն իւր ձօն գանձէն առատ նուէրներ պարգեւէ, տնանի մուրացիկն ալ իւր լուծայն սիրով պիտի բերէ ձեզ: Այո՛ ըսածներուս միակ պայմանը, ճեարք, հասարակաց փոստահութիւնն է և զայդ ազգիկն ալ մեր զործերէն կախումն ունի. շեռաւարար, ճեարք, դարձեալ կըսեմ, միասիրտ և միահոգի գործեմք և հաստատապէս գիտնանք թէ յայնժամ, բայց յայնժամ միայն Ազգն ընդ մեզ է յաւէտ:

(Մասիս)

ԹԻԻՐԻՔԻԱ

«Times» լրագրին Կ. Պոլսից հեռագրում են մայիսի 25-ից: Սուլթանը նորից վճռել է հրապարակական գաղտնաստի կնիքարկել այն բոլոր անձանց, որոնք մեղադրվում են

սուլթան Աբդուլ-Ազիզի սպանման մէջ: Որքան հրապարակապէս կատարվի դատատանը, այնքան լաւ է թէ սուլթանի և թէ արքայութեան գործի համար, որովհետեւ մինչև այժմ չտարեր պիտի մեղադրվում էին, որ սուլթանի սպանութիւնը կատարելապէս անհայտ է հնարած է, չը նայելով նուրիփաշայի խոստովանութեանը: Այդպէս են մտածում ոչ ինչ մեղադրվածների կուսակից մարդիկ, այլ մինչև անգամ գործին մօտ ծանօթ անձինք: Սրանց կարծիքով սկզբնական քննութիւնը կատարված է ամենաանկախ կերպով և մեղադրվածներին ստիպել են խոստովանել, նրանց տանջանքների կնիքներով: Մեղադրվածները հաստատակամ անհայտ մեջ չէին պահում, այլ պաշտօնի մէջ, իսկ քննութիւնը կատարվում էր գաղտնի, սուլթանի անմիջական մասնակցութեամբ, որ այդ գործով չափազանց հետաքրքրված է: Մեղադրվածներից մի քանիսին հարցրել են սուլթանի ներկայութեամբ և նորերումն Ֆահրի-բէյ նորից այդ վիճակին է ենթարկվել: Մի քանի վրեկներ ցոյց են տուել, որ սպանութեան ժամանակ Ֆահրի-բէյ հսկում էր սուլթանի դռների մօտ: Նա թողել էր մարդասպաններին մանկ սուլթանի սենեակը և ինքն էլ այնտեղ գնալով մասնակցեց սպանութեանը: Վրեկներից մէկը, որին այդ հանգամանքի մասին հարցրին սուլթանի ներկայութեամբ, լուր էր բոլոր ժամանակ և, երբ նրան նկատեցին, թէ նրա լուրջութիւնը նրան մեղադրում է, վրեկն միայն իր ուսեւրը բարձրացրեց: Քննութիւնը մեծ դժուարութեան հանդիպեցաւ տեղական և օտար բժիշկներին հարցնելու ժամանակ: Բժիշկները ասում են, որ սուլթանի մարմնի վրա բռնութեան նշաններ չէին երևում, բայց մկրատով կարած երակը, միջոցաւ վրաներից շատերը ասում են, թէ մայր Ալի-բէյ, կամենալով շուտ սպանել սուլթանին, սրով կամ դաշույնով նրան փոսնաւոր վերք հասցրեց:

Կ. Պոլսից «Polit. Corresp.» լրագրին գրում են, որ Բ. Գուռը երբեք չէ կամեցել ծանաչել Ալի-բէյի նուաճելը Ֆրանսիայի կողմից: Նա միշտ հրաժարվել է Ալի-բէյի մէջ թիւրքաց հիւպատոս նշանակել: Թիւրքաց կառավարութեան կարծիքով, Ալի-բէյի Թիւրքիայի մի նահանգ է, որ միայն ժամանակաւորապէս զրաւած է Ֆրանսիական զօրքերով: Գրա համար Ֆրանսիան վրէժխնդիր եղաւ, չը ծանաչելով սուլթանի փրկմանը Տունիսի վերաբերութեամբ: Այդպիսով Բ. Գուռը իր յամառութեամբ ինքը ստեղծեց այժմեան դժուարութիւնները: Ինչ կը վերաբերի Տունիսի բէյին, նա դեռ 1870 թուականին ուղարկեց Կ. Պոլսի խէյրէզին-փաշային, որ պէտք է բողոքէր սուլթանի ցանկացած գերիշխանութեան դէմ Տունիսի վրա Այսպէս էր գործերի գրութիւնը, երբ սկսվեցաւ ուսումնական պատերազմը, որի ժամանակ Տունիսի բէյ հրաժարվեցաւ սուլթանին օգնական զօրքեր ուղարկել: Թէ Բ. Գուռը և թէ Տունիսի բէյը այժմ հնձում են այն, ինչ որ ցանկ են Ֆրանսիան երբեք չի հրաժարվի իր սկսած գործից: Նա վճռել է գերիշխանութիւն ունենալ Տունիսի վրա և երբեք այդ վճռը չի փոխի, թէպէտ առաջին ժամանակներում գերիշխանութիւնն ու թիւրքիայի իշխանութիւնը առհասարակ ցին պատերազմական նաւատորմ ուղարկել Տունիսի Ֆրանսիական զինպանը յայտնեց Ասիւֆ-փաշային, որ Ֆրանսիացիները թըն-

դանթները կրակով կընդունեն թիւրքաց նաւերին, եթէ նրանք կը համարձակվեն երեւել Տունիսի առաջ: Ասիւֆ-փաշա լսեց այդ յայտնութիւնը և ոչինչ չը պատասխանեց: Յայտնի է միայն, որ սուլթանը երբեք և ոչինչ բանով այդքան չէ բարկացել, որքան Տիւսի յայտնութեանց յետոյ: Այժմ պատերազմական նաւատորմը Տիւրքիայի կողմից, որովհետեւ թիւրքերի և Ֆրանսիացիների կռիւը փոսնաւոր է Բ. Գուռի համար և բացի այդ պէտք է առժամանակ զիպլոմատիական ծանապարհով գործել սուլթանի հեղինակութիւնը վերականգնելու և նրա պահանջներին որ և է նշանակութիւն տալու համար: Առ այժմ թիւրքաց ծովային փառնութիւնը հրաման է տալիս մի նաւատորմ պատրաստել Միջերկրական ծովը ուղարկելու համար:

ԱՐՏԱՔԻՆ ԼՈՒՐԵՐ

— «Բէյաթի ընկերութեան» թէհրանից հեռագրում են, մայիսի 31-ին հետեւեալ: «Այստեղ եկան Թիւրքիայի և Ռուսաստանի զենայանքը, որոնք շատ լաւ ընդունվեցան շահից: Թիւրքաց զինպանը նորին մեծաթեան հաւատարմեց, որ սուլթանը հրամայել է առաջն տանել չէյն Կապուլէն: Կողմից լինելի նոր յարձակմանը, ներքին Լուրեր են տարածվել, որ թիւրքերը վաճառել են մի մասն և հաւաքում: Պարսկական զօրքերը, որոնք մայիսի վերջին թէհրանից դուրս եկան, հասան Ռաշիդ և իր բնակիչներ: Մերկայի բնակիչները Այդուղ գետին է շուտով մի ներկայարար: Այստեղից էլ մեծաթեալ-աղա միջնորդների խորհրդի նախագահ է նշանակված:

— «Բէյաթի ընկերութեան» Կ. Պոլսից հեռագրում են, մայիսի 31-ից հետեւեալ: «Թիւրքաց-փաշան, ցուցումներ տալով իր ժամանակցութեան մասին Աբդուլ-Ազիզի սպանման գործի մէջ, այս օրերս անգափախված է մի ուրիշ բռնակարան, որտեղ կերակրում են նրան սուլթանի հաշուով: Նորին մեծաթեան, բայց զրանից մի մուշտիկ ընծայելը նրան և առհասարակ բարի աչքով է դէպի նա: Միջնորդ-փաշան հեռագրով իր ընտանիքին խնայ տուեց ջմրու-նիւյում, որ ինքն բաւական է թէ բնակարանով և թէ ուսմանով, և որ շատ լաւ են վարվում իր հետ:

— «Լիւնայի «Polit. Corresp.» լրագրը յուլիսի 1-ից Կ. Պոլսի միջով լուր տալիս, որ սուլթան Աբդուլ-Համիդ Մեքքա սրբազան քաղաքում մեծ աջոգութիւն ունեցաւ: Սուլթան Ալի-Ի թագաւորութեան ժամանակից, Մեքքայում թիւրքաց զօրան չէր ծածանում: Այնտեղի զօրքերի հրամանատար Նէջիբ-փաշային աջովից կմրէր Մեքքա: Աբդուլ-Մուսալիքին համաձայնեցին, որ սրանից յետոյ քաղաքային երեք ամրոցների և հրապարակական շինութիւնների վրա ուրբաթ և տօն օրերին բարձրացրած լինի թիւրքաց զօրան: Առաջին անգամ այդ գործողութիւնը շատ հանգիստաւ կերպով կատարվեցաւ, ներկայութեամբ չէրիֆի, մարզաբէի քննադիւրի անդամների, ուղեւորների, նշանաւոր անձերի և տեղային իշխանութիւնների: Նախ քան զօրանի բարձրացնելը ազօրի կարգադրեցաւ Աբդուլ-Համիդ խալիֆի բարեկամութեան համար: Արարիկի գործերի գրութեան մասին այն ժամանակին թիւրքաց իշխանները, որոնք ազգական եւրոպական լրագրիներում, Էմիր-Նիլիֆ Աբդուլ-Մուսալիքի անբաւականութիւնը զրգուցնելու խնամքով համար, թէ ով է այդ թիւրքաց իշխանները գրել, նա հրամայեց բոլոր կառավարիչներին փոստաւում բաց անել: Այդպիսի միջոցով նա կարողացաւ մի քանի թիւրքաց իշխաններ անուանել իմանալ, որոնք յետոյ կանչվեցան քննութեան ենթարկվելու համար:

— «Temps» լրագրը հաղորդում է, որ Բէյից Տունիսում հեռագրի է տալիս, որից յայտնվում է, որ «Télégraphe» լրագրի խմբագիր Սէ-գուլին վրա արքանից յարձակվեցան ճնշեց քաղաքի մօտ, և սկսեցին քարեր արձակել նրա վրա: Սրի նա զանախ հանեց պաշտպանվելու համար, աւաղակները թշուառականի ձեռքից դառնակ խնկրել և սպանեցին: Նրան մի քանի հարակիցներով: Մարդասպանները կայանաւորված են:

ԽԱՌՆ ԼՈՒՐԵՐ

Այս օրերս երգուհիների գաղափարները փարիզում քննուած էր որմնագիր Լալուայի գործը, որը երեք ամիս առաջ խածելով կորեց իր ընկեր Կոնստանտին Բիլլը: Գաղափարների առաջ, սեղանի վրա, դրած էր ապակեայ շէշի մէջ գեղձի կտորը, որպէս իրական ապացոյց: Գաղափարները ներկայացաւ Ֆլամիլը, ներկայ եղողները անհամբերութեամբ սպասում էին տեսնել թըշուառ զոնին և արդէն առաջուց սարսափից զոգում էին: Նրանց զարմանքին չափ չը կար, երբ

սեղանին մօտեցաւ մէկ առողջ և կարմրադէմ եւրոպացի և պատմեց իր հետ պատահած բռնաբարութիւնը: Հասարակութիւնը իր աչքերին չէր հաւատում: Ֆլամիլի զէմքի մէջ տեղը բարձրանում էր քիթ, իսկական քիթ: Լալուային կամեում էր զրկել իր թշուառն այդ անհրաժեշտ զարգարանից, բայց բնութիւնը, որը երբեմն մարդկեանցից աւելի բարի է, նրան նոր քիթ ընծայեց, այնպէս որ այժմ Կոնստանտին Բիլլը օւնի, մէկը գտնվում է իր տեղում, իսկ միւսը սպիրտի մէջ, գաղափարի սեղանի վրա: Բայց բնութեան մեծանշանութիւնը չէ փոքրացնում մեղադրվածի յանցանքը, երգուհիները մէկ տարվայ բանտարկութեան գաղափարների նրան: Կոնստանտին հեռացաւ գաղափարի դաշխից, շատ բաւական լինելով նրանով, որ ինքն գիտնական ֆինանսները դարձաւ:

Պեշարի բարձրագոյն գաղափարում եկող շարքին կը քննվեն 35 խնդիրներ ապահարգանքի մասին: Այդ խնդիրներից միայն տասը աղամարդկանց տուածն է, իսկ մնացած բոլոր խնդիրները կանանց են պատկանում:

Այս օրերս, հէնց Վաթիկանի մօտ, բնակութիւն կը հաստատեն նոր անձինք, որոնց հարեւանութիւնը հազիւ թէ ախորժելի լինի կաթոլիկական եկեղեցու գլխին: Եղբայրուի նախկին խնդիրը գիտաւորութիւն ունի իր հարեւոր Նեպոլից: Համ տեղափոխվել: Նա թոյլտուութիւն էր խնդրում սուլթանից ջմրուհիւ բնակվել, բայց մերժվեցաւ: Նրա խնդիրը Այժմ նա բանակցութիւններ սկսեց Համիդ այն պալատներից մէկը գնելու մասին, որը համարեա կպած է Վաթիկանին: Պէտք է կարծել, որ Եղբայրուի նախկին խնդիրը նոր պալատի կանաչ վարագոյնների հետից թաղված սե աչքերը խնդրից կը հանեն: Ս. Պետրոսի փոխանորդին չըջապատող շատ արեգանքներ:

ՄՇԱԿԻ ՀԵՌԱԳԻՐՆԵՐ

Ս. ՊԵՏԵՐԲՈՒՐԳ, 29 մայիսի: Խորհուրդները գիւղացիների հողերը յետ գնելու համար վճարքի փոքրացնելու մասին կրօնական յուրիսի 20-ին Այդ խորհուրդներին մասնակցելու համար միմիայն իրենաթիւ Մոսկովից հրաւիրել է Մոսկովայի նահանգական զեմստովոյ վարչութեան նախագահ Նաւոմովին, նոյնպէս իշխան Շչերբատով և Գիմարի Սամարին ձայնաւորներին:

ԿԱՆԳԱՆԱՐ, 28 մայիսի: Էմիրի զօրքերը կատարելապէս ջարդեցին Վիրիշի մօտ: Էմիր-խանի կուսակիցների հրամանատարութեան տակ եղած զօրքերին, որոնք կազմված էին անկանոն հետեակ և հեծելազօրքից: Կռիւը շուրջ ժամ էր շարունակվում: Կորուստների քանակութիւնը գեռ յայտնի չէ:

Ս. ՊԵՏԵՐԲՈՒՐԳ, 30 մայիսի: «Голосъ» լրագրի հաղորդութիւնը Սարատովի մէջ կատարված անկարգութիւնների մասին պաշտօնապէս հիւրըմբ է:

ԿՈՐԿ, 29 մայիսի: Ժողովրդի և պոլիցիայի մէջ փողոցային կռիւ պատահեցաւ, որ տեւում էր մինչև զիշեր: Շատ վիրաւորվածներ կան:

ԼԻՎԵՐՊՈՒԼ, 29 մայիսի: Այստեղ յայտնվեցաւ, որ փորձ է եղել վաւոյով ճայթիկնել քաղաքային վարչութեան տունը: Դիմութեան մի մուտքը փակված է: Կալաւնաւորված են երկու իրանդացիներ:

Ս. ՊԵՏԵՐԲՈՒՐԳ, 29 մայիսի: Պետական բանկի 50% տոկոսը առաջին շրջանի արժէ 96 ր. 75 Կ., երկրորդ 94 ր. 62 Կ., երրորդ 94 ր. 50 Կ., չորրորդ 94 ր. 62 Կ., ներքին 50% առաջին փոխառութեան տուժ սակը արժէ 225 ր. 5 Կ., երկրորդ 218 ր. 5 Կ., արեւելեան առաջին փոխառութեան տուժակը արժէ 93 ր. 25 Կ., երկրորդ 92 ր. 87 Կ., երրորդ 93 ր. 5 Կ., ոսկի 8 ր. 75 Կ.: Ռուսաց 1 րուբլ Լոնդոնի վրա արժէ 24,53 պէնս, առաջ 100 ր. Համբուրգի վրա արժէ 209 մարկ 75 պֆ., Գարիգի վրա արժէ 258 Գարիգի 75 ամալիմ: Բօրսայի տրամադրութիւնը հանգիստ է:

Խմբագիր—հրատարակող ԳԻՐԳՈՐ ԱՐԵՐԻՆԵՐ